



DIARIO

E MATUTINO DI ARUBA

Abonado pa luna Afl.19,00*Pa ehemplar 80 cent*aña12/No.3461

DIASABRA 18 JANUARI 1992

COALICION DEN STATEN A PASA LEY DI A.Z.V.

ORANJESTAD (AAN): Despues di varios dia di discusion, di publicacion, y di reunion ayera e proyecto di ley di Aseguro Medico General a ser acepta door di coalicion den Staten. Ni maske cuanto tur e gremionan den Staten durante e hearingnan y pafor den publicidad a trata di convence e miembronan di coalicion cu e ley aki no ta bon, ciegamente coalicion a acepta e ley.

DIARIO ayera a ricibi varios reaccion di gremionan riba loke nan a yama "Dia Scur Den Parlamento".

Partido AVP tambe a reaccion, y nan ta kere cu kizas e miembronan di coalicion mes no ta realiza kico nan a aproba y nan no a realiza e consecuencianan di un ley asina malo. Solamente argumentonan fofo a worde usa pa "bulldoze" e ley aki. E situacion den cuidio medico awor lo empeora y pronto lo tin un ambiente tenso cu lo pone mas ainda cu den pasado nos hendenan lo busca asistencia medico den exterior.

E impresion ta en todo caso cu e partidonan di coalicion solamente a mira e ley aki como algo cu nan por usa den campaña pasobra te awe hen-

ter e Gobierno aki despues di haci tur e promesananan no tin ningun logro cu nan por bay pidi voto di pueblo. Den caso di e ley di AZV pa gastonan di enfermedad tur esnan cu lo mester yuda den ehecucion di e ley aki ta contra e ley aki.

Esaki seguramente lo trece cu ne cu ta solamente problema so nos lo tin den cuidio medico. E organizacionnan di e trahadornan a enfatiza cu nan no por sostene un ley cu ta mustra cu lo bira un medida serio contra pueblo trahador. Gobierno no por kita e temor cu ta biba den henter comunidad pa e peso cu trahadornan y pensionadonan awor mester bay carga.

Ayeramainta Ministro di Finanzas Ing. Lacle a relata cu e asegurado aki lo no costa trahadornan nada, ya cu ta e dunador di trabao lo mester paga e premie di 6% aki.

Pero AVP ta keda insisti cu expertonan riba tereno di asegurado a trece den Parlamento cu e introduccion aki lo ta un medida di por lo menos 13%.

Segun AVP, aki por mira cu Gobierno na un manera camufla ta bin cu un medida. Scondi tras di palabranan cu ta trata di un ley social nan ta

aumenta e castigo di pueblo.

Gobierno di su banda ta indica cu e ley aki ta necesario pa asina elimina e desigualdad cu ta existi actualmente den cuidio medico. Den paginan di DIARIO di awe por lesa mas di e opinionnan di Gobierno.

E gremionan mes no ta completamente contra introduccion di un AZV, mas bien nan ta "pro", pero no di e forma cu Ministerio di Salubridad kier introducie.

AVP ta indica cu awe e mesun gobernantenan responsable pa e 8.2% ta causa cu Aruba ta den problemaman grandi y pueblo mester paga. "Nan ta malgasta tur e reservan di nos comunidad y despues ta e pueblo trahador ta bira e victima cu mester sufri".

Segun informacion cu oposicion a revela na DIARIO, e pasamento di e ley basa riba capricho di algun hende lo bira atrobe un pagina scur den historia di Parlamento di Aruba. Nan ta indica cu Gobierno a bin cu un medida severo contra pueblo y ningun di e miembronan di coalicion a cuestiona e ley aki solamente pa motibo di oportunismo.

Pues finalmente AZV a ser aproba, y ban biba cu ne.

Tur na sanger joven a bay cerca Fiscal! FOTO DI ABUSO DI PODER POLICIAL



E joven aki a ser agredi malamente na su cabez (parti mas importante di un ser humano) y mester a core pa salba su bida for di e garan di agentenan cu porcierto no a identifica nan mes! E joven a bay cerca su tata Abogado y esaki inmediatamente a transporte pa Fiscal, y posteriormente pa Hospital pa ricibi tratamiento medico. Pa mas informe lesa pagina 4.

LEY DI ARUBA NO TA CONTA PA STRANHERONAN NA COASTAL

COALICION A OFENDE Y HACI BOFON DI GREMIONAN



**APERTURA
OFICIAL ! AWE**